



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Festo S. Thomæ Apostoli.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

runt non odio. Ecce ignis in quo sacrificium nostrum in terra debemus offerre. Nomen JESU idem quod *Confiliarius*, quia consulit & ostendit viam cœli Greg. 25. Moral. n. *Via Incarnate Sapientie est omnis actio quam temporaliter gessit. Via ejus sunt vivendi ordines quos ad se venientibus monstravit.* Sed an omnes hæc consilia sequuntur? proinde mendaces Christiani isti sunt in suo nomine. Ambr. 22. q. 5. cap. Cavete. *Mendacius est Christianum se dicere & opera Christi non facere.* Aug. lib. 4. de doct. Christian. *Ex Sacramento unctionis vocabulum omnium Christianorum descendit & nomen ille frustra sortitur, qui Christum minimè imitatur.* Sed fortasse accidit quod tempore suo deplorat Greg. l. 1. c. 10. *Quidam idcirco Christianitatis vocatione signantur, quia Christi nomine sublimiter exaltato, penè omnes jam fieri Fideles erubescunt, sed esse negligunt quod dici gloriantur. Rem virtutis intimæ sumunt ad decorem visionis externæ, & qui ante supernum iudicem nudi conscientie infidelitate consistunt apud humanos oculos professione sancta verbo tenus patiantur. Quia digna fidei opera servare contemnunt, etiam fidem perdunt quam tenere videbantur, &*

In Festo S. Thomæ Apostoli.

Quantum salutem nostram amaverit S. Thomas, patet ex eo, quia volebat pro mundi salute mori cum Christo, & alios ad hoc ipsum hortatus Apostolos, *eamus & nos moriamur cum illo.* Plane geminus Christi, ut enim interpretatur Cornel. à lapide, Thomas significat geminum. Sed cum Christus socium in hac re non admitteret, Vicario Petro Christi se junxit post Christi resurrectionem Joan. 21. & cum eo piscabatur præludendo piscationi hominum accepto verò Spiritu S. totum orbem pervolavit, nam ut Th. Stapleton. in tribus Thomis, in Europa Sueciam, Daniam Germaniam:

am: in America Indias: in Asia Parthos, Medos, Bactrianos: in Africa loquitur S. Chrysoft. *Aethyopes Baptismo dealbarunt.* Cum verò ex hoc mundo cessit S. Franciscum Xaver. sibi substituit. Nam ut Rhò in varia Historia. Franciscus hic apud sepulchrum Thomæ cum illud accessisset, *hausit Spiritum Apostoli & ejus factus gemellus.* Et ipse S. Thomas ante suam mortem id prædixit ut scribit Maffejus dum à mari in loco decem milliaribus germanicis dissito crucem lapideam erigeret, addito, cum mare ad eum locum pervenisset, similem sibi in eas terras venturum, quod factum est tempore Xaveri. Sed etiam articulum de resurrectione, in quo tota nostra nititur fides præ omnibus Apostolis roboravit. Greg. hom. 26. *Plus nobis Thomæ infidelitas ad fidem quàm fides credentium discipulorum profuit, &c. Factus est testis veræ resurrectionis.* Cum redivivi Christi palpavit latus. Ambr. serm. 32. *Sunt accedentes ad cor altum de majori spiritus libertate & puritate conscientia, &c. Talis erat Thomas qui nisi suâ manu tangeret manus & latus, credere non volebat, pusillæ fides sed de magnitudine animi miro modo descendens. Talis Moyses, aut me dele de libro vita, aut his parce. Talis David, Tibi dixit cor meum, te exquisivit facies mea.* Dilexit omnes Thomas & cura omnibus cœlum ingredi voluit. Bern. serm. 12. in Cant. *Si Divites quispiam mulieri paupercule dicat, ingredi tu ad prandium meum sed quem gestas infanulum relinque foris, quoniam ploras & molestus est nobis, nunquid facies? Nonne magis eliget jejunare quam exposito pignore charo sola prandere cum Divite? Ita nec Moysi sedet solum se introduci in gaudium Domini sui, foris scilicet remanente populo, cui licet ingraro & inquieto vice Matris dolenter inhaeret.* Tantùm amamus animas, quantum pro illis facimus, & cum Thomas plurimum fecerit, summè illas dilexit. Qui verò animas amat, Christum amat. Hic probet suum amorem erga Christum Pater familias domi, &c. Greg. Pastoral. p. 3. *Si indigentibus proximis*

simis

ximis ipsi quas habent pecunias absconderent adutores procul dubio
 calamitatis exitissent, quo ergo reatu constringuntur aspiciant qui dum
 peccantibus Fratribus verbum prædicationis subtrahunt, morientibus
 vite remedia abscondunt. S. Bern. tales reos facit furti serm. 8.
 in Cant. Sanè cavendum in his, aut dare quod nobis accepimus, aut
 quod erogandum accepimus retinere rem profecto proximi retinet tibi,
 si verbi causâ, plenus virtutibus cum sis, nihilominus donis scientiæ &
 eloquentiæ adornatus, metu fortè, aut minus discretâ humilitate, verbum
 bonum quod posset prodesse multis, inutili imò & damnabili ligas silentio,
 certè maledictus qui frumenta abscondit in populo. Quodsi insuper
 domi tuæ peccata permittis, particeps es illorum. Quidsi adhuc
 pravo ipsi præeant exemplo? Jer. 10. Quia stultæ egerunt Pa-
 stores, & Dominum non quaesierunt, propterea non intellexerunt, &
 omnis grex eorum dispersus est. Reddent tandem pro grege suo
 rationem. Audiant S. Greg. in lib. Reg. lib. 5. c. 4. Velut prædi-
 catores quidam exercitus, arma Christianæ doctrinæ induunt, profite-
 tur se Christianos, & per exempla subito parvulos Christi feriunt, qui
 velle protegere loquendo putabamus. Quia loquuntur Aliqui bene
 sed præbent mala exempla, cum fortiùs moveat exemplum
 quam sermo. Quodsi neque sermo sit bonus, & prævum
 exemplum? Greg. hom. 15. Plerumque, quod est gravius, qui pro-
 pria dare debuerant, aliena diripiunt, plerumque si quos humiliter, si
 quos continenter vivere conspiciunt irrident. Considerate ergo quid de
 gregibus agatur quando Pastores lupi fiunt. Hi enim custodiam gregis
 suscipiunt qui insidiari gregi dominico non metuant, &c. Et Moral.
 lib. 26. c. 10. Calumniatores rectè possumus dicere omnes iniquos, quia
 ratio morum vita distat à rerum substantia tantò gravius calumniator
 est, qui malè vivendo vim infert nostris moribus quàm qui volenter
 opprimendo, damna ingerit rebus. DEUS loco sui tradidit nobis
 proximum ut in eum charitatem exerceamus, quomodo isti
 præceptum de charitate implent qui sunt animarum homici-
 dae? S.

dæ? S. Bern. insuper dicit esse perjuros in Ps. 28. Quis ascendet in montem Domini? Non simus nobis inutiles ne in vano accipiamus animas nostras. Non simus inutiles proximo nostro, ne in vano ei jurasse probemur, &c. De juramento convenit spiritui ut agnoscamus debitum, & promissam fidem irritam facere vereamur. Omnes enim proximis jurati sumus, cum quibus in Ecclesie venimus unitatem. Et hæc professio fidei Christianæ, ut qui vivit jam non sibi vivat, sed ei qui pro omnibus mortuus est, &c. Debitor es Sacramenti, cautione & propria professione teneris. Hic ergo accipiet benedictionem, à Domino DEO suo, hic qui unus accipit brævium.

In Epiphania Domini.

Magna fit hodie rerum mutatio jam relinquere incipit Synagogam Christus & Gentes amplecti. Jacob junior, hoc est Gentes præripiunt benedictionem majori Esau, id est Judæis. Jam ipse Jacob benedictionem daturus per manuum impositionem nepotibus Gen. 48. transponit manus, & supra juniorem ponit dexteram. Ecce Moyses Æthyopiissam ducit uxorem, & Samson alienigenam. Ecce Isai. 9. *Populus qui ambulabat in tenebris videt lucem magnam.* Apparuit Magis in stella puerulus gestans crucem. Crux etiam apud Ethnicos magnum quid significabat, juxta Horum Apollinem notabat Ægyptiis spem futuræ vitæ. Antigono comparuit Crux in cœlo ex his literis formata TPELA sive Ygeia quod significat salutem. Plato literam χ quæ crucem exprimit, inter admirandas habuit. Secuti stellam magi, id est, viri doctissimi, ingrediuntur Jerosolymam, & impletur quod prædixerat Tobias c. 13. *Jerusalem civitas Domini luce splendida fulgebis, & omnes fines terræ adorabunt te. Nationes ex longinquo ad te venient, & munera deferentes adorabunt.*

bunt.